

mal angesehen: vnd wohin ers nochmals treibe vnd
richte?

Vom Ersten.



Als werden doch vnter dem
Wörtlein גרועל Grewel / für
sonderliche grausame Sünden
(dafür wir so getrewlich gewar-
net werden) verstanden: vnd wie
heissen dieselben in anderweit?

Antwort. I. Vnter dem Wörtlein Grewel
(dafür vnser Text / einen jederman warnet) wer-
den verstanden / alle vnd jegliche vnnatürliche böse
Wesen vnnnd Werke / welche der Teuffel durch
Menschen (die mit ihm in Bund / oder vnverbun-
den seyn) mit allerley so heiligen guten / so vnheili-
gen vnd bösen Worten / beschweren / bannen / Ges-
gen / Zeichen / Figuren vnd Bildern vnd andern din-
gen zu wegen bringt / vnnnd dardurch Menschen /
Vieh / Korn / Früchte / Laub / Gras / Häuser / Stäl-
le / vnnnd vnzehlich viel andere dinge verderbt / be-
schädiget vnd verlest: vnd je zu weilen wiederumb
hilfft vnd zurechte bringet. Alles zu dem ende / daß / er
vornemlich den Menschē nicht allein zeitlich an Leib
vnd Leben / Haab vnd Gut verlesen / sondern auch
ihre Seele an der ewigen Seligkeit gefähre: Wie
in der letzten Frage mit mehren sol angezeigt; vnd

I.